

I  
 DEO OPTIMO MAX.  
 UNI ET TRINO,

VIRGINI DEIPARÆ, ET S. LUCÆ  
 Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS  
*manè discutienda, in Scholis Medicorum, die Jovis decimâ-quartâ  
 Januarii anni M. DCC. XXXIV.*

M. LUDOVICO - MARIA POUSSE,  
 Doctore Medico, Præside.

*An à solis relaxantibus Nephritidis cura Curatio?*

I.

NEPHRITIDEM pro symptomatum sævitie gravissimum dixeris morbum; huic ad aliquot horas ferendo videtur ægrotans impar, mortemque uti summam mali medelam efflagitat. Mox remittente dolore, sui factus compos, viriumque integer ac præteriti immemor, hilaris, sanusque altantibus apparet: donec recrudescente malo, rursus clamores edat & planctus. A cæteris infimi ventris morbis dignoscere Nephritidem Tyronibus arduum. Hepatici utpote choleramorbo, cæterisque infimi ventris affectibus, symptomatis signisque primo intuitu communibus stipatam. Hanc à choleramorbo diversam dignoscēs, quòd in hac, præter dolores & vomitum, diarrhæa biliosa frequens & copiosa, sitis inexplata, pulsus parvus, virium insignis subitaque, ob fluidi colliquationem, exhaustio, tanquam signum pathognomonicum comitentur. Ab hepate, quòd in hac dolor in hypo-chondrio dextro, maximè ubi hepatis pars extima phlogosi tentatur, ad tactum exasperetur, febris intensa pulsusque durus ac renitens, urinæ lateritiæ, alvi fæces cineritiæ, dolorisque ac aliorum symptomatum, nisi post adhibita remedia, sanguinis maximè celebratam missionem, nulla aut pauca remissio. Ab intestinorum seu genuino dolore colico, quòd in hoc, si quæ sit abdominis tensio, ad levem tactum exasperetur dolor; mox alvus laxata, sive flatus, sive fæces, sive humores mittendo, nativam molem atque mollitiem recuperat: quòd in colico dolore, pulsus parvus ac frequens insignisque, invitâ symptomatum remissione, perseveret virium jactura. Ab iliaca passione, quòd in hac nullas per secessum alvus fæces mittat quas per vomitum ejicit. Ab Enterocæle quòd in alterutro inguine mollis & exilis adsit tumor. Nephritidem idèò à cæteris colicis affectibus diversam agnosces pro dolore acuto alterutrum nec rarè utrumque renem ( undè dolor Lumbæ-

2  
ris quem cingulum vocant) clavi instar tenaciùs obsidenti, vomitu sæpiùs inani, infimi ventris nonnunquam tensione, urinæ paucitate & incèndi desiderio stipa-  
ram.

## I I.

**S**YMP TOMATUM Nephritidis multiplex, sed non diversâ causa. Renum scilicet, aut uretrum, etsi rarò, phlogosis. Quæ à solâ sanguinis stagnatione oritur, genuina Nephritis. Sanguinis stato, aut retardato motu, vasa dilatari necessum est, renumque intumescere substantiam, unde papillarum calicumque, ac pelvis subjectæ compressio, strangulatio, ac velur obliteratio; hinc urinæ fecerendæ occlusa via, quæ Renum molis adaugendæ altera est occasio, novaque causâ; major hinc nervorum jam à salibus urinæ laceffitorum distensio, undè dolor acutus, & pro horum cum ventriculi nervis consortio, vomititio frequens ac sæpè inanis vomitus. Lotio immerse rigidiores moleculæ ad papillas detrusæ, ob figuram aut molem vasorum diametro majorem, in his aut vasorum extremis ineunctæ, urinæ prohibendo stillicidium, Renum phlogosin, cæteraque genuinæ Nephritidis invadunt symptomata. Viscidæ sero innantes particulæ, ob flexilitatem, pro vasorum renalium, papillarum imprimis angustia, in floccos aut glomeres intortæ, papillas obturando, urinæ præcludunt aditum; undè non solum renis glandularum intersticit moles, quæ sanguinis sistat motum, sed & pro salium stagnantis urinæ aculeis nervos stimulando, tum doloris acuti, tum vomitus immanis movet symptomata; materia purulenta sæpiùs à partibus longinquis ignotisque cum sanguine in renes advecta, pro crassiori consistentiâ, tubulis renalibus, papillis aut pelvi velut impacta, pro symptomatum analogiâ Nephritin mentitur, quæ tamen symptomata à solâ partium constrictione sobolescunt.

## I I I.

**L**IQUIDORUM æquè ac in his innatantium, pro rigidiori aut laxiori fibrarum elatere, sistitur motus. Ubi ob fibrarum laxitatem, sensum sine sensu vasa intumescunt, phlogosicos signa nec symptomata prodeunt, donec dilatatis nimium vasis, ad partem appellenti sanguini præcludatur aditus. Ubi fibrarum tensus nimis est & rigidus Elater, sanguinis imminuitur tandemque sistitur motus, cæ proportionem quâ fibrarum motricum motus imminuitur quantitas: quò enim oscillatio minor, eò vis minor & actio, unde liquidum agitur potius quam moveretur aut truditur, unde immutato progressionis motu, variis quibus coalescit moleculis sibi invicem adherendi seseque intrinseci datur locus, unde innumera exurgunt moleculæ, concretionis, mox in minoris diametri vasis, deinceps in majoribus, authores & causæ. Pro fibrarum adaucto rigiditatis gradu, citiores oscillationes, solidorum crispaturam & liquidorum concretionem adaugent, unde oculis phlogosicos atque doloris signa & symptomata prodeunt. In Nephritide, statim ineunte morbo, acutus dolor, frequens ac immanis vomitus fibras tum nervos, tum vasculares tensas nimis, crispatasque plus aquo declarant, quorum symptomatum viget ferocia, donec laxiorem obtinuerint tonum; diutius perseverante phlogosi, accidunt sanguinis nonnunquam, & deinceps puris mictio, aut propter adunatas sibi calculorum diversæ figuræ moleculas, lithiasis rudimenta & ortus. Tam gravium symptomatum ferociam tutò retundere eamque præcavere, nisi à solis relaxantibus, frustra tentaveris.

## I V.

**C**ORRUGATAS relaxare partes idem ac ad narivum tonum reducere, eas ulterius relaxare, resolvere est, unde partium atonia & paralyfis. Nervorum crisp-

patura spasmus inducit, qui dum partes tenfas nimis rigidasque tenet, sanguini ad eas appellenti denegat aditum, unde partis vicinæ nascitur Phlogosis. Nephritidem à sanguine in vasis stagnanti, oritur dolor satis superque probat. Num à redundant, num ob concretionem in minoribus vasis statò, non aëque, nisi ex plethorâ universali, tum ex pulsu pleno, duro & renitenti, atque coloratiori facie, & totius corporis graviore mole potest iudicari. Utrique causæ idem convenit remedium, sanguinis missio, quam præ cæteris relaxantibus, tutiorem citioremque ferre opem apud practicos quotidianâ constat observatione. Non solum in relaxandis partibus à sanguinis systasi corrugatis conducit sanguinis missio, nervorum, seu à sanguiferis vasis nimium dilataris (unde nervorum flaminum succus) seu à molecularum liquidis innatantium aculeis, illatum solvit, aut saltem imminuit spasmus, imò sæpius sola ad lypothimiam celebrata, nisi calculi fuerit grandior moles, integram absolvit curationem & aliis, si fuerit opus, relaxantibus facilem tutamque viam sternit & parat. Nihil igitur mitum quod absque præviâ sanguinis missione Nephritidis instituta curatio aëque plena sit & crudelioris protracta. Quæ solâ sanguinis missione non solvitur nephritis, aliare laxantia uti auxiliatrices manus requirit, inter quæ imprimis seligenda quæ salibus solvendis, diluendæ viscidæ colluviei, corrugatis partibus emolliendis, à partium nimâ diuturnioris constrictione orto dolori sedando idonea comprobaverit usus. Aquæ tepidæ sit largior potus, tum quod sales solvat, partesque rigidas emolliat, sed & vomitum molestum minus efficiat, aliàs inani ventriculo immanem. Decoctum pulli seminibus quatuor frigidis majoribus farti identidem vice jusculi adhibe, non solum areolarum asperitati obrundendæ, sed & partium rigiditati emolliendæ maxime accommodatum; oleosâ, ubi tum vomitu frequentiori, tum doloris acerbitate partes crispas convulsasque dignoveris, in usum ad uncias plures adhibe, uti oleum amygdalarum dulcium, & imprimis oleum lini per expressionem, quod & minus stomachum proritet, sed & maxime obliniat. Ab oleosis abstineas ventriculo nauseante, solisque tunc emollientibus insiste. Balneum tepidum admove, omniaque corporis partibus emolliendis atque relaxandis idoneum; tandem dolore perseverante, ad narcoticum confuge, seu emollienti decocto dilutum, & enematis formâ inditum, seu emollienti portione admixtum, seu in substantiâ voratum, quod non nisi prius pluries ab enematis laxantibus expurgatâ alvo tentandum.

#### V.

**P**ROPHYLACTICAS non minùs quàm Therapeuticas relaxantium vires plus aequo ratio probat, & confirmat experientia. Nephritidis paroxysmus, partium solidarum constrictionis effectus, nec solvi nec præcaveri tutius citiusque valet quàm à medicamentis & victus ratione, quæ solidorum flexilitati liquidorumque fluiditati restituendæ & servandæ fuerint accommodata. Non ideo mirum quod rariùs mitiusque eos invadat Nephritis, qui diutius in relaxantium usu perseverant. Uti inter relaxantia primum obtinet locum sanguinis missio, ab eâ instituatur prophylaxis, maxime ubi lumborum gravativus aderit dolor: largior sit, maxime jejuno ventriculo, aquæ tepidæ potus, qui innumeros penè recidivarum effecit immunes, nisi à frequentioribus & diuturnioribus antea paroxysmis tenum fuerit viciata compages. Pro tam simplici, sed tanto remedio, Populi Sinenses, nunquam aut rariùs Nephritidis atque Lithiasis doloribus obnoxios vitam ducere, non sine fundamento gloriantur: Quid mirum? solidorum flexilitatem non modò servat aquæ tepidæ potus, sed & solvendo sales, molecularum præpedit concretionem Nephritidis nocte sæpius causam. Non solum aqua tepidâ intus sed & extus admora partibus relaxandis confert, uti Balneum, in quod, jejuno stomacho identidem per plures dies, ad unam alteramve horam immergatur, jusculumque vitulinâ aut pulli-

4  
 nâ carne feminibusque & plantis emollientibus confectum, postquam sese lecto commisit, sumat agrotans. Quæ ab arenulis oritur Nephritis non uno aquæ simplicis potu præcaverit; mucilagineum quid solidis obliniendis, angulisque molecularum obtundendis aptum, uti ptisanam ex semine lini, radice aut foliis altheæ, ceterisque anodinis requirit, quorum non solum ex medicamentis, sed & alimentis repetenda virtus. Hinc ab omni ciborum genere, aromatum saliumque exulanda acies, hinc exulandus est aqua diluti vini potus, albi imprimis, Campanensis maxime, quod pro tenuitate & salium aculeis ad Renes ptomiscuè citiusque aquosum quicquid medendi viâ aberrant qui tum in curandâ tum in præcavendâ Nephritide medicamenta specificorum nomine adhibent, quorum tam experienciâ quàm analysi cognita vires, à salinis aut terrenis partibus natæ, stimulo vasa, vel glandulas exprimendo, urinæ potius extorquendæ quam eliciendæ videntur instituta! hæc inter imprimis eminent fabarum clibano exsiccatæ cortex & triduo, deficiente Luna, in vini albi cyathis epotus; Eryngii, Enulæ campanæ in vino aut aqua vitæ cum saccharo & aromaticis infusa radix: Cerasorum nuclei contusi & in vino macerati, aliaque id genus, in quibus, ut hæcenus in plerisque calculosis observatum, nihil nisi Nephritidi revocandæ, & procreandæ Lithiasi agnoscitur idoneum. Nec fucum faciat inter milles una aut altera Nephritidis curatio: nonnumquam vegeta sui que juris, læscita quamvis, morbi crisin unâ inchoat & absolvit natura; verum principia quibus talia Pharmaca præpollent sine præiudicio & ad tationis & experienciæ statem pondera. Hæc aculeis hirsuta aut terrenis rigida partibus agnoveris, quæ solidorum spasmus & fluidorum systasin inducere valent, unde Nephritidis causa & exacerbatio.

*Ergo à solis relaxantibus Nephritidis cura Curatio.*

## DOMINI DOCTORES DISPUTATURI.

<i>M. Ludovicus de Santeul.</i>	<i>M. Michael - Ludovicus Vernage.</i>	<i>M. Joannes-Baptista Silva Salubris Consilii Regii Socius, &amp; Serenissimi Ducis Borbonii Medicus ordinarius.</i>
<i>M. Emmanuel-Mauritius Duverney.</i>	<i>M. Joannes - Franciscus Leauté, Chirurgia Gallica Professor designatus.</i>	<i>M. Joannes-Baptista-Thomas Marineng, Rei herbaria Professor designatus.</i>
<i>M. Ludovicus - Claudius Bourdèlin, Scholarum Professor, &amp; Regiæ Scientiarum Academia Socius.</i>	<i>M. Jacobus - Antonius Millet, Pharmacia Professor.</i>	<i>M. Franciscus Pouffe.</i>

Proponebat Parisiis GASPAR COCHON DUPUY,  
 Rupifortensis, Baccalaureus Medicus, A. R. S. H. 1734.  
 à sextâ ad meridiem.